

(Er hat überwunten al unser uiante,)

1075. er hat si gedovbet, di helle hat er herovbet.
Do dev gotes *wisheit* ane sich nam di menneskhait,
do was der lichname sin wat shone
unde er mit deme lachen geruhte sine gotheit dechen.
Do er di alten ê uil uolleclichen begi
1080. daz er daz newolte miden, er ne lize sich besniden,
unde sich mit opphere woldereinen, swi er ne hete nehein meile,
unde al (daz tete) daz under Juden was site:
do heter in deme wine gewasken wat sine.
Do er do di tofve an sich nam unde manege not begunde liden
1085. unde li sinen lichnamen an deme cruce marteren:
do het er gedunket sin lachen in daz plût.
Do er do zvene tage geruwete in deme grabe,
an deme dritten morgen mahte der tifel sorgen:
er stunt uone deme tode mit libe ioh mit sele,
1090. er fur mit lewen chrefte die helle brechen,
den tifel er gebant, er warf ime einen pogen in den munt
daz deme selben gule alzane offen stunde daz mule:
so wir fon sunden chomen in *sine* slunden
daz der ubele hunt ne mege zuluchen den munt,
1095. daz er durh pihte unde durh pûze sines undanches uns laze:
Cristes *shônev* ovgen sint siner lere tovgen,
di den genade geheizent di ir missetat puzent:
di selben ovgen sint shoner denne der win
1100. wand si mit gelicheme *scaden* rach sver ir tet dechein unge-
Die zende chliubent daz man in den munt schvbet, [mach.

Bl. 86^b.

- | | |
|---------------------------------|-----------------------------------|
| 1078. W. unter daz lachan. | 1093. in dem sl. W. in sine. |
| 1080. W. ne wolte firmiden. | 1094. W. daz er ubil hunt. |
| 1087. do zevne. W. Do er zuêne. | 1095. W. unsich uz lazze. |
| 1089. W. er irstunt uon. | 1096. Cristes. W. Christes ougin. |
| 1091. W. einen böch. | 1099. W. der bezeichnenet. |
| 1092. W. stê offen daz mûle. | 1101. W. Die zèni chliubint. |